

W

**Низомий номидаги Тошкент давлат педагогика университетининг
Давлат Хариди бўйича комиссиясининг йиғилиш
БАЁННОМАСИ № 38**

Тошкент шаҳри

02.11.2022 йил

Ўзбекистон Республикаси “Давлат харидлари тўғрисида”ги қонунига мувофиқ ва университетнинг 2022 йил 27 июндаги № 207-U-сонли буйруғи асосида тайинланган комиссия таркиби:

Б.Собиров – Молия-иқтисод ишлари бўйича проректор, комиссия раиси
А.Кучкаров – Харидлар бўйича мутахассис, комиссия котиби

Харид комиссияси аъзолари

Х.Ирисметов – Бош Мухандис
Б.Ахмедов – Техник фойдаланиш ва хўжалик бўлими бошлиғи
Н.Палвонов – Бош бухгалтер
М.Турсунова – Бош аудитр
С.Дотгоев – Рақамли таълим технологиялари маркази бошлиғи
М.Ўрозов – Бош энергетик

КУН ТАРТИБИ

1. Низомий номидаги Тошкент давлат педагогика университетининг Давлат Хариди комиссиясининг 2022 йил 27 октябрдаги Энг яхши таклифларни танлаб олиш № 155016-сонли лот рақам бўйича Тошкент давлат педагогика университети учун Курилиш ва таъмирлаш ишларини назорат ўлчовидан ўтказиш хизматлари (Услуги проведения контрольного обмера выполненных строительно-ремонтных работ) бўйича баённомани муҳокама қилиш тўғрисида.

2. Ўзбекистон Республикасининг 2021 йил 22 апрелдаги “Давлат харидлари тўғрисида”ги 684-сонли қонунининг 7-боб 62-моддаси ҳамда Низомий номидаги Тошкент давлат педагогика университетининг 2022 йил “02” ноябрдаги №38 сонли баённомасида белгиланган вазифалар ижросини таъминлаш мақсадида

КОМИССИЯ ҚАРОР ҚИЛАДИ

1. Давлат харидларининг “Энг яхши таклифларни танлаб олиш” саҳифасининг электрон тизимида, муҳокама қилиш учун икки иш куни ичида, иштирокчилар томонидан танлов ўтказиш натижалари бўйича эътирозлар келиб тушмаганлиги маълумот учун қабул қилинсин.

2. Низомий номидаги Тошкент давлат педагогика университетининг 207-U-сонли буйруғи асосида тайинланган комиссия раиси ва комиссия аъзолари “NEW CONTROL GROUP” МЧЖ билан 4 000 000,00 (Тўрт миллион) сўмга ҚҚС ичида шартнома тузишга қарор қилди.

3. Низомий номидаги Тошкент давлат педагогика университети комиссияси котиби (А.Кучкаров) муҳокама натижалари бўйича харид комиссиясининг тегишли мажлис баённома ва шартномасини имзоланган кундан бошлаб ўн иш куни ичида Давлат харидларининг электрон тизимида жойлаштирсин.



1. _____	Б.Собиров.
2. _____	Х.Ирисметов
3. _____	Н.Палвонов
4. _____	С.Дотгоев
5. _____	М.Турсунова
6. _____	М.Ўрозов
7. _____	Б.Ахмедов

05/11/22 / 10/15

НАЗОРАТ ЎЛЧОВИ ХИЗМАТИ КЎРСАТИШ ШАРТНОМА

№ 14

Тошкент шаҳар

« 02 » 11 2022 йил

Низомий номидаги Тошкент давлат педагогика университети (кейинги ўринларда “Буюртмачи”), номидан Ректор А.К.Киргизбаев бир томондан ва “NEW CONTROL GROUP” МЧЖ (кейинги ўринларда “Ижрочи”), номидан Низом асосида Директор А.Н. Алибаев иккичи томондан куйидагилар тўғрисида ушбу шартномани туздилар:

1. Шартнома предмети

1.1. Ушбу Шартнома бўйича Ижрочи Буюртмачининг топшириғига асосан ушбу шартноманинг 1.2-бандида кўрсатилган хизматларни кўрсатиш, Буюртмачи эса кўрсатилган хизматлар учун тўловларни амалга ошириш мажбуриятини олади.

1.2. Кўрсатиладиган хизмат номи: Низомий номидаги Тошкент давлат педагогика университетининг Чилонзор тумани, Бунёдкор кўчаси, 27-уйда жойлашган ўқув бино худудига кириш қисми талабаларга қулай шарт-шароит яратиш бўйича янги пост поспон туриш жойи (КПП-1) ва (КПП-2)ни қиймати 482 050 332 (тўрт юз саксон икки миллион эллик минг уч юз ўттиз икки) сўм бўлган қурилиш-монтаж ишларини назорат ўлчовидан ўтказиш.

1.3. Ижрочи ушбу шартнома бўйича бажарилган қурилиш-монтаж ишларининг назорат ўлчов ишларини (хизматлар кўрсатишни) қурилиш соҳасига оид амалдаги меъёрий-ҳуқуқий ҳужжатлар, шу жумладан Ўзбекистон Республикаси Давлат архитектура ва қурилиш қўмитасининг меъёрий ҳужжатлари ҳамда “NEW CONTROL GROUP” МЧЖ нинг мутахассис ходимлари томонидан қурилиш (кайта таъмирлаш, таъмирлаш) объектларида бажарилган қурилиш-монтаж ишларини, монтажга топширилган ускуналарни назорат ўлчовидан ўтказиш тартиби тўғрисидаги Низомга асосланган ҳолда амалга оширади.

1.4. Хизмат кўрсатиш муддати: Буюртмачи томонидан ушбу шартноманинг 3.2-бандида кўрсатилган миқдорда олдиндан тўлов амалга оширилган ҳамда мазкур шартноманинг 2-илоvasида келтирилган Рўйхатга асосан ҳужжатларни тақдим этган вақтдан 2022 й. «31» декабрга қадар. Ижрочи ушбу шартномада кўрсатилган хизматларни муддатидан олдин кўрсатиш ҳуқуқига эга.

Ижрочиға боғлиқ бўлмаган сабабларга кўра ҳужжатларнинг тақдим этилиши кечиккан ҳолда, шартноманинг ижро этиш муддати 1 ойгача узайтирилиши мумкин.

2. Томонларнинг ҳуқуқ ва мажбуриятлари

2.1. Ижрочининг мажбуриятлари:

2.1.1. Хизмат кўрсатишни лозим ва юқори профессионал даражада амалга ошириш.

2.1.2. Ушбу шартноманинг 1.4-бандида кўрсатилган муддатда ва тўлиқ ҳажмда хизмат кўрсатишни амалга ошириш лозим.

2.1.3. Хизмат кўрсатиш жараёнида хизмат кўрсатиш сифатига салбий таъсир кўрсатадиган даражада Ижрочи шартнома шартларидан четлашган бўлса Буюртмачининг талабига асосан 5 кун давомида аниқланган барча нуқсонларни бартараф этиш.

2.1.4. Хизматларни шахсан амалга ошириш, Буюртмачининг ёзма розилигисиз бошқа юридик шахсларни жалб этмаслик.

2.1.5. Назорат ўлчовлари натижалари бўйича Буюртмачига назорат ўлчовларига оид материалларни ҳамда топшириш-қабул қилиш далолатномасини ҳамда ҳисоб-фактурани ёзма равишда топшириш.

2.2. Ижрочининг ҳуқуқлари:

2.2.1. Буюртмачи томонидан ушбу шартноманинг 3.2-бандида кўрсатилган олдиндан тўлов амалга оширилгандан сўнг мазкур шартноманинг 2-илоvasидаги Рўйхатга асосан ҳужжатларнинг ўз вақтида тақдим этилишини инobatга олиб хизмат кўрсатишни бошлаш.

2.2.2. Буюртмачидан белгиланган тартибда назорат ўлчовини ўтказиш учун мазкур шартноманинг 2-иловасидаги Рўйхатга асосан зарур бўладиган тўлик ва аниқ хужжатларни талаб қилиш.

2.2.3. Ўз ишини мустақил ташкил этиш, назорат ўлчовини ўтказиш усуллари хамда мутахассислар таркибини танлаш.

2.2.4. Хизмат кўрсатиш жараёнида юзага келадиган саволлар бўйича Буюртмачининг жавобгар шахсларидан тушунтиришлар олиш.

2.3. Буюртмачининг мажбуриятлари:

2.3.1. Ушбу Шартноманинг 3-бўлимида кўрсатиб ўтилган тартибда хизматлар учун тўловларни амалга ошириш.

2.3.2. Ижрочининг талабига асосан мазкур шартноманинг 2-иловасидаги Рўйхат бўйича хужжатларни тўлик ҳажмда хамда назорат ўлчовларини ўтказиш учун керакли бўлган муддатда тақдим этиш.

2.3.3. Ўз ходимлари ва пудратчилар вакилларининг иштирокини таъминлаш.

2.3.4. Ижрочидан Топшириш-қабул қилиш далолатномасини олган кундан эътиборан 5 кун давомида кўрсатилган хизматлар натижаларини қабул қилиб олиш.

2.4. Буюртмачининг ҳуқуқлари:

2.4.1. Ижрочи томонидан амалга оширилаётган назорат ўлчовининг амалга оширилиши ва сифатини унинг фаолиятига аралашмаган ҳолда исталган пайтда текшириш.

2.4.2. Ижрочидан назорат ўлчови материалларини, ушбу Шартноманинг бажарилиши ва ижроси натижалари бўйича маълумотларни талаб қилиш ва олиш.

2.4.3. Объектда бажарилган қурилиш-монтаж ишларининг назорат ўлчови амалга оширилиш жараёнида катнашиш.

3. Шартнома баҳоси ва ҳисоб-китоблар тартиби

3.1. Шартноманинг умумий баҳоси **4 000 000 (тўрт миллион) сўм**ни ташкил этади.

3.2. Буюртмачи томонлар ушбу Шартномани имзолаган кундан бошлаб 5 банк иш куни давомида шартнома умумий баҳосидан 30 % миқдорда **1 200 000 (бир миллион икки юз минг) сўм 00** тийинни. Ижрочининг ҳисоб рақамига олдиндан тўловни амалга ошириш мажбуриятини олади.

4. Хизматлар (ишлар)ни топшириш ва қабул қилиш тартиби

4.1. Хизматлар кўрсатилгандан (назорат ўлчови бўйича ишлар бажарилгандан) сўнг Ижрочи Буюртмачига кўрсатилган хизматлар (бажарилган ишлар)ни топшириш-қабул қилиш далолатномасини тақдим этади.

Буюртмачи Ижрочидан олган санадан бошлаб 5 кун давомида кўрсатилган хизматлар натижаларини қабул қилиш ва топшириш-қабул қилиш далолатномасини имзолаш мажбуриятини олади.

4.2. Ижрочи хизмат кўрсатиш жараёнида хизмат кўрсатишни давом эттириш имконияти йўқлиги ёки хизмат кўрсатишнинг мақсадга мувофиқ эмаслигини аниқлаган тақдирда бу ҳақда Буюртмачига хабар бериши ва зарурий чораларни кўриши лозим.

4.3. Буюртмачи ёки унинг ваколатли вакили томонидан кўрсатилган хизматларни топшириш-қабул қилиш далолатномаси имзолангандан сўнг хизматлар кўрсатилган ҳисобланади.

4.4. Ижрочи томонидан назорат ўлчови далолатномалари хамда тўлик расмийлаштирилган топшириш-қабул қилиш далолатномаси ва ҳисоб-фактура тақдим этилганидан сўнг буюртмачи томонидан 100 % тўлов амалга оширилади.

5. Махфийлик

5.1. Томонлар ушбу шартноманинг мавжудлиги ва мазмуни, шунингдек ушбу шартнома доирасида томонларнинг ҳар бирига тақдим этилган ҳар қандай маълумотларни сир сақлаш мажбуриятини олади.

5.2. Томонлар ушбу шартноманинг томонларидан бирининг олдиндан берилган ёзма розилигисиз учинчи томонга факт ва маълумотларни умуман ёки қисман очмаслик ва ошкор этмаслик мажбуриятини олади.

5.3. Ушбу шарт бошқа шахслар томонидан олинishi мумкин бўлган маълумотларга тегишли эмас, Ўзбекистон Республикаси қонунлари кўзда тутилган айрим ҳолатлар бундан мустасно.

6. Форс-мажор ҳолатлар

6.1. Ушбу шартнома имзоланганидан сўнг фавқулодда ҳолатлар (ёнғин, сув тошқини, zilзила, табиий офат ва шу каби) содир бўлиши оқибатида ушбу Шартнома бўйича мажбуриятларнинг тўлиқ ёки қисман бажарилмаслигига мажбуриятларни тўлиқ ёки қисман бажара олмаган томон содир бўлишини олдиндан кўра билиш ёки уларни олдини олиш имконияти йўқлиги туфайли (енгиб бўлмас ҳолатлар) жавобгар бўлмайди.

6.2. Форс-мажор ҳолатлар юзага келиши билан ушбу ҳолатлар ва уларнинг оқибатлари ҳаракатда бўлган даврга мос равишда мажбуриятларни бажариш муддати узайтирилади.

6.3. Томонлар форс-мажор ҳолатлар бошланиши ва тугаши тўғрисида бир-бирларини зудлик билан ёзма равишда хабардор қилишлари лозим.

6.4. Форс-мажор содир бўлганлигини рўқач қиладиган томон тегишли давлат идорасидан ушбу ҳолатни тасдиқловчи ҳужжатни тақдим этишга мажбурдир.

6.5. Ушбу Шартномани ижро этишнинг имкони бўлмаган тақдирда олдиндан тўлов миқдоридан Ижрочининг ҳақиқатда қилган харажатлари миқдорига камайтирилгандан қолган қисми қайтариб берилади.

7. Томонларнинг жавобгарлиги

7.1. Ушбу Шартноманинг 1.4-бандида кўрсатилган хизматларни кўрсатиш муддатлари бузилган тақдирда Ижрочи мажбуриятларнинг бажарилмаган қисмининг 0,4 фоизи миқдоридан ҳар бир муддати ўтган кун учун пеня тўлайди, лекин бунда тўланадиган пенянинг умумий миқдори мажбуриятларнинг бажарилмаган қисмининг 50 фоиз миқдоридан кўп бўлмаслиги лозим.

7.2. Кўрсатилган хизматлар учун тўловлар ўз вақтида амалга оширилмаган тақдирда Буюртмачи Ижрочига муддати кечиктирилган тўлов миқдорининг 0,4 фоизи миқдоридан ҳар бир кечиктирилган кун учун пеня тўлайди, лекин бунда пенянинг умумий миқдори муддати кечиктирилган тўлов миқдорининг 50 фоизидан кўп бўлмаслиги лозим.

7.3. Жарималарнинг тўлови томонларни шартнома шартларини бажаришдан озод этмайди.

7.4. Ушбу шартномада кўрсатилмаган томонларнинг жавобгарлиги бўйича чоралар Ўзбекистон Республикаси Фуқаролик кодекси ҳамда Ўзбекистон Республикасининг “Хўжалик юритувчи субъектлар фаолиятининг шартномавий-ҳуқуқий базаси тўғрисида”ги Қонунига асосан қўлланилади.

8. Коррупцияга қарши қўшимча шартлар

8.1. Тарафлар шартнома тузишда, шартноманинг амал қилиш муддатида ва ушбу муддат тугаганидан сўнг, шартнома билан боғлиқ коррупциявий ҳаракатлар содир қилмасликка келишиб оладилар.

8.2. Тарафлар шартномадаги коррупцияга қарши қўшимча шартларда белгиланган коррупциянинг олдини олиш чораларини тан олади ва уларга риоя этилиши бўйича ҳамкорликни таъминлайдилар.

8.3. Ҳар бир тараф шартнома тузилган пайтда бевосита ўзи ёки унинг ижроия органлари, мансабдор шахслари ва ходимлари томонидан шартнома билан боғлиқ муносабатлар юзасидан қонунга хилоф равишда пул, моддий қийматликлар берилмаганлигини, шартнома тузилиши эвазига норасмий пул ёки бошқа моддий қийматликлар олинishiга йўл қўйилмаганлигини, тақлиф этилмаганлигини, уларни беришга ваъда қилинмаганлигини, шунингдек моддий ёки ҳар қандай турдаги имтиёз, устунликлар олинмаганлигини (келажакда бу турдаги ҳаракатларни амалга ошириши мумкинлиги ҳақида таассурот қолдирилмаганлигини) қафолатлайди. Тарафлар, улар

томонидан шартнома доирасида жалб қилинган шахсларнинг (ёрдамчи ижрочи ташкилотлар, агентлар ва тарафлар назорати остидаги бошқа шахсларнинг) юқоридаги ҳаракатларни содир этмаслиги юзасидан оқилона чоралар кўради.

8.4. Тарафлар давлат хизматчилари, сиёсий партиялар, шунингдек ўзларининг ижроия органлари, мансабдор шахслари ва ходимлари томонидан ҳар қандай вақт ва шаклда қўйидаги ҳаракатларни бевосита ёки билвосита (шу жумладан, учинчи шахслар орқали) содир этилишига йўл қўймайди: а) назорат қилувчи органлардан лицензия ва рухсатномалар олиш, солиқ солиш, божхона расмийлаштирувини амалга ошириш, судда иш кўрилиши, қонунчилик жараёни ва бошқа соҳаларда қонунга ҳилоф равишда тижорат ёки бошқа тусдаги устунликка эга бўлиш ёки сақлаб қолиш мақсадида юқоридаги шахслар фойдасига ёки улар томонидан моддий ёки номоддий наф олишнинг таклиф этилиши, ваъда қилиниши, берилишига; б) қонунга ҳилоф равишда олинган даромадларнинг легаллаштирилишига, шунингдек, агар мулк жиноий фаолиятдан олинган даромад эъжоллиги тарафларга маълум бўлса, уни ўтказиш, мулкка айлантириш, ёхуд алмаштириш йўли билан унинг келиб чиқишига қонуний тус бериш, бундай пул маблағлари ёки бошқа мол-мулкнинг асл хусусиятини, манбаини, турган жойини тасарруф этиш, қўчириш усулини, пул маблағларига ёки бошқа мол-мулкка бўлган ҳақиқий эгаллик ҳуқуқларини ёки унинг кимга қарашлилигини яширишга; в) коррупцияга оид ҳуқуқбузарлик содир қилиш учун таъмагирлик қилиш, ундаш, тазйик ўтказиш ёки таҳдид қилиш. Ушбу ҳолат бўйича бир тараф иккинчи тарафни ҳамда ваколатли давлат органларини дарҳол хабардор қилиши шарт.

8.5. Тарафлар товарлар, ишлар ва хизматларни реализация қилиш ва ўтказишда битимлар тузиш бўйича музокаралар олиб боришда, лицензия, рухсатномалар ва бошқа рухсат этиш хусусиятига эга бўлган ҳужжатларни олишда ёки уларнинг манфаатларини кўзлаб бошқа ҳаракатларни амалга оширувчи тарафларнинг назорати остида бўлган ва улар номидан ҳаракат қиладиган шахсларга (шу жумладан, ёрдамчи ижрочилар, агентлар, савдо вакиллари, дистрибюторлар, ҳуқуқшунослар, ҳисобчилар, улар номидан ҳаракат қилувчи бошқа вакилларларга) нисбатан қўйидаги ҳаракатларни амалга оширишлари шарт: — коррупциявий ҳаракатларга йўл қўйиб бўлмаслиги ва коррупциявий ҳаракатларга нисбатан муросасиз муносабатда бўлиши шартлиги ҳақида кўрсатмалар ва тушунтиришлар бериш; — улардан коррупциявий ҳаракатларни амалга ошириш учун воситачи сифатида фойдаланмаслик; — уларни фақат тарафларнинг оддий қундалик фаолияти жараёнидаги ишлаб чиқариш зарурати доирасидан келиб чиқиб ишга жалб қилиш; — уларга қонунчилик доирасида амалга оширган хизматлари учун белгиланган ҳақ миқдоридан асоссиз равишда ортиқча тўловларни амалга оширмаслик.

8.6. Тарафлар уларнинг назорати остида бўлган ва улар номидан ҳаракат қиладиган шахслар томонидан коррупцияга қарши қўшимча шартларда белгиланган мажбуриятлар бузилганлиги ҳолатлари ҳақида хабар берилганлиги учун уларга тазйик ўтказилмаслигини кафолатлайдилар.

8.7. Агар бир тарафга бошқа тарафнинг коррупцияга қарши қўшимча шартларнинг 7.4- ва 7.5-бандларида белгиланган мажбуриятларни бузилишига йўл қўйилганлиги маълум бўлиб қолса, иккинчи тарафни бу ҳақда зудлик билан хабардор қилиши ва ушбу тарафдан оқилона муддат ичида тегишли чоралар кўрилишини ва амалга оширилган ишлар юзасидан унга хабардор қилишини талаб қилиши шарт. Тарафнинг талаби бўйича иккинчи тараф томонидан қоидабузарликларни бартараф қилиш бўйича оқилона муддат ичида тегишли чоралар кўрилмаган ёки кўриб чиқиш натижалари ҳақида хабардор қилмаган тақдирда, ушбу тараф зарарни тўлиқ қоплаб беришни талаб қилишга ҳақли.

9. Шартноманинг амал қилиш муддати ва унинг бекор қилиниши тартиби

9.1. Ушбу шартнома томонлар имзолаган кундан бошлаб кучга киради ва 2022 йил «31» декабргача амал қилади.

9.2. Ижрочи Ёуортмачи томонидан қўйидаги шартлар бажарилмаган тақдирда бўнак тўловларини қайтармаган ҳолда шартномани бекор қилишни талаб қилиш ҳуқуқига эга:

- хизмат кўрсатиш учун зарур бўлган ҳужжатларни тўлиқ ва керакли ҳажмда тақдим этмаганда;

- пудратчи ташкилотларнинг қатнашишларини таъминламаганда;

- буюртмачи томонидан Ижрочига боғлиқ бўлмаган сабабларга кўра хизмат кўрсатишни бир ойдан ортиқ муддатга тўхтатилганда.

9.3. Буюртмачи қуйидаги ҳолларда шартномани бекор қилишни талаб қилиш ҳуқуқига эга:

- Буюртмачига боғлиқ бўлмаган сабабларга кўра Ижрочи томонидан хизмат кўрсатишни бошлаш 15 кунга кечиктирилганда;

- Шартномада кўрсатилган муддатга нисбатан хизмат кўрсатишни тугатиш муддатининг Ижрочининг айби билан бир ойдан ортиқ муддатга узайтирилганда.

9.4. Ушбу шартномани бекор қилиш ташаббуси билан чиққан томон иккинчи томонни 2 кун давомида ёзма равишда хабардор қилиши шарт.

10. Низоларни ҳал этиш тартиби

10.1. Ушбу Шартномани бажарилиши жараёнида юзага келиши мумкин бўлган низо ва тушунмовчиликлар имкон қадар томонлар ўртасида музокара йўли билан ҳал этилади.

10.2. Низо ва тушунмовчиликлар музокара йўли билан ҳал этилмаган тақдирда томонлар низоларни бартараф этишнинг судгача бўлган барча чораларни кўргандан сўнг низолар иктисодий судида ҳал этилади.

11. Якуний қондалар

11.1. Ушбу шартномага киритиладиган ҳар қандай ўзгартириш ва қўшимчалар улар ёзма равишда тузилган ва томонларнинг ваколатли шахслари томонидан имзоланган тақдирдагина ҳақиқий ҳисобланади. Ушбу Шартномага барча иловалар шартноманинг ажралмас қисми бўлиб ҳисобланади.

11.2. Томонлар ушбу шартнома бўйича кўзда тутилмаган барча ҳолатлар бўйича Ўзбекистон Республикасининг амалдаги қонунчилигига асосан ҳаракат қиладилар.

11.3. Ушбу Шартнома икки нусхада тузилган. Иккала нусха ҳам айнан ўхшаш ва бир хил юридик кучга эга. Томонларнинг ҳар бирида ушбу Шартноманинг бир нусхаси мавжуд.

11. Томонларнинг манзиллари ва банк реквизитлари

«Ижрочи» «NEW CONTROL GROUP» МЧЖ	«Буюртмачи»
<p>Манзил: Тошкент шаҳар, Шайхонтоҳур тумани, ALISHER NAVOIY KOCHASI 44A-UY 242-XONA</p> <p>Банк реквизитлари: Х/р: 2020 8000 1051 8113 0001 АТ Халқ банки Шайхонтоҳур филиали МФО: 00821 СТИР: 307142181 Телефон: 91-252-18-68</p>	<p>NIZOMIY NOMIDAGI TDPU TOSHKENT SHAHAR, CHILONZOR TUMANI, BUNYODKOR KO'CHASI, 27-UY, TEL.: (71) 276-79-11; 276-76-51. H/R: 234 020 003 001 0000 1010 XKKM MARKAZIY BANK BOSH BOSHQARMASI MFO: 00014 STIR: 201 354 108 OKONX: 92 110 ShH/R: 400 910 860 262 947 094 100 075 001 MOLIYA VAZIRLIGI G'AZNACHILIGI STIR: 201 122 919</p>



А.Н. Алибаев



А.К. Киргизбаев

Юриспрудент Мироджаев Х.

**Назорат ўлчови ўтказиш учун буюртмачи томонидан тақдим этилиши
лозим бўлган ҳужжатлар рўйхати**

1. Буюртмачи вакили ёки вакилларига назорат ўлчовида катнашиш ва далолатномани имзолаш ҳукукини берувчи буйрук
2. Қурилиш-монтаж ишларини амалга ошириш учун асос бўлган ҳужжатлар.
3. Ойлик кесимида пудратчилар томонидан бажарилган ишлар реестри.
4. Лойихалашга топширик ва нуқсон далолатномасини инобатга олган лойиха-смета ҳужжатлари (ЛСХ).
5. ЛСХга ноидоравий экспертиза ташкилотининг эксперт хулосаси.
6. Қурилиш-монтаж ишларини амалга ошириш шартномаси.
7. Ишлар тури бўйича таснифланган расшифровка қилинган бажарилган қурилиш-монтаж ишлари қиймати ҳақидаги ҳисоб-фактура маълумотномалари.
8. Кўзга кўринмайдиган (ёпик) ва бузиб олиш (демонтаж) ишлари далолатномалари, шунингдек бузилиш жараёнида фойдаланишга яроқли бўлган қурилиш материаллари қирим ҳужжатлари.
9. Ижро чизмалари, техник ва ижро ҳужжатлари.
10. Танлов савдоларида ғолиб чиққан пудрат ташкилотларининг оферталари (конкурс ҳужжатларини инобатга олган ҳолда), ғолиб бўлганлиги тўғрисида тендер комиссиясининг баённомаси, зарурий ҳолларда қолган даъвогарларнинг оферталари.
11. Бажарилган ишлар ва тўловлар бўйича маълумот.
12. Иш турлари бўйича бажарилган ишлар далолатномаси йиғмаси (электрон кўринишида).

**Назорат ўлчови ўтказиш учун пудратчи томонидан тақдим этилиши
лозим бўлган ҳужжатлар рўйхати**

1. Пудратчи вакили ёки вакилларига назорат ўлчовида катнашиш ва далолатномани имзолаш ҳукукини берувчи буйрук.
2. Ойлик кесимида пудратчилар томонидан бажарилган ишлар реестри.
3. Қурилиш-монтаж ишларини амалга ошириш шартномаси.
4. Ишлар тури бўйича таснифланган бажарилган қурилиш-монтаж ишлари қиймати ҳақидаги ҳисоб-фактура маълумотномалари.
5. Ишлатилган қурилиш материаллари бўйича юк хатлари ва ҳисоб-фактуралар.
6. Тайёрланган ва қурилишда ишлатилган материаллар ва конструкциялар бўйича калькуляциялар.
7. Пудрат ташкилотининг бошқа харажатлари ҳисоб-китоблари.
8. Транспорт ва оғир харажатларига ҳисоб-китоблар.
9. Кўзга кўринмайдиган (ёпик) ва бузиб олиш (демонтаж) ишлари далолатномалари, шунингдек бузилиш жараёнида фойдаланишга яроқли бўлган қурилиш материаллари қирим ҳужжатлари.
10. Ижро чизмалари, техник ва ижро ҳужжатлари.
11. Танлов савдоларида ғолиб чиққан пудрат ташкилотларининг оферталари (конкурс ҳужжатларини инобатга олган ҳолда), ғолиб бўлганлиги тўғрисида тендер комиссиясининг баённомаси, зарурий ҳолларда қолган даъвогарларнинг оферталари.
12. Бажарилган ишлар ва тўловлар бўйича маълумот.
13. Иш турлари бўйича бажарилган ишлар далолатномаси йиғмаси (электрон кўринишида).

Томонларнинг имзолари ва муҳрлари

